

# Oddiy PowerPoint taqdimotlarini professional loyihaga aylantiruvchi 5 ta dizaynerlik g'oyalari




## 1-idea



## FOTOSURATLARNING G'AYRIODDIY DIZAYNI

Taqdimotdagi rasmlarni shablon ramkalarga olish avvallari urf bo'lgan bo'lsa, endi unday emas. Sababi, rasm nafaqat illyustratsiya, balki slayd qurilgan dizayn

ob'ekti ham bo'lishi mumkin. Rasmlarni turli shakllarga solib taqdim etish – hozirgi kundagi eng ko'p foydalanilayotgan usullardan biridir. Masalan, rasmni quyidagi shaklga keltirish mumkin. Buning uchun dastavval bir nechta standart shakllarni yaratish, ularni slaydda belgilab olish (ctrl + A) kerak, "Формат" yorlig'iga o'ting va keyin "Объединение фигур" tugmachasini bosing. Natijada, 4 ta shakl bitta shaklga birlashtiriladi. So'ngra, shakllarning ustiga biron bir rasmni qo'ying va yana ctrl + A klaviatura tugmasini bosish orqali slayddagi barcha obyektlarni tanlang. "Формат" yorlig'iga o'tib, "Объединение фигур" tugmachasi va "Пересечение" bandini bosing. Ushbu bosqichda elementlar birlashtiriladi va biz rasm bilan to'ldirilgan shaklga – rasmning g'ayrioddiy dizayniga ega bo'lamiz.






## 2-idea



# MOKAPLAR (MOCK-UP ING. MAKET) .

Mockuplar - bu o'zingizning rasmlaringizni joylashtirishingiz mumkin bo'lgan ob'ekt shablonlari.

Ko'pincha mokaplar mobil telefon yoki kompyuter ekrani ko'rinishida ishlatiladi. Bunday maketlarni tayyorlash juda oson. Internetda PNG formatidagi uyali telefon yoki noutbuk monitorining mokapini yuklab olamiz. So'ngra slaydga rasm yoki skrinshotni joylashtiramiz va ikkita rasmni birlashtiramiz. Mokap va skrinshotni o'lchamlari bo'yicha tekislab, ularni birlashtiramiz va skrinshotni orqa fonga joylashtiramiz. Keyin ikkita rasm(mokap va skrinshot)ni tanlaymiz va ularni "Группировать" tugmasi yordamida birlashtiramiz:





## 3-idea



## GRADIENT FIGURALAR.

Slayddagi shakllarni bir xil ranglarda bo'yash tezda zeriktiradi. Slaydlarni ta'sirchan qilishni istaganlar uchun shakllarni gradient bilan to'ldirish juda yaxshi yechim hisoblanadi. UiGradients saytida juda ko'p miqdordagi gradiyentlar namunalari mavjud. Siz ushbu manbaada g'oyalarni topishingiz mumkin.

Sizdan quyidagi amallarni bajarish talab etiladi halos: slaydga kerakli shaklni kiritish va "Формат фигуры" yorlig'iga o'tish. So'ngra, gradient va rang turini tanlash, gradientni o'zgartirish va o'zingizning xohishingizga ko'ra sozlashingiz kerak.




## 4-idea



# BELGI (IKONKA) LARDAGI RASMLAR

Ikonkalarni slayddagi matnlarni vizuallashtirish uchun joylashtirish mumkin. Shuningdek, ularga rasmlarni ham kiritib qo'yish mumkin. Yaratish jarayoni huddi avvalgi g'oya(idea)larda tasvirlangandek, kerakli ikonkani toping. Masalan, Icon-icons, flaticon saytlarida bepul piktogrammalarni ko'plab turini uchratishingiz mumkin, ulardan birini SVG formatida yuklab oling. So'ngra, uni va biror kerakli rasmni slaydga joylashtiring. Ob'ektlarni belgilang va ularni "Пересечение" tugmasi yordamida birlashtiring. Bu juda oddiy, endi siz tanlagan rasm piktogramma shaklida tus oldi.



## 5-idea



# INFOGRAFIKA VA ILLYUSTRATSIYALAR

Slaydlardagi infografika va turli xil illyustratsiyalar, ommabop va foydali vositalardan yana biridir.

Aytaylik, tinglovchilaringiz uchun motivatsion dars yaratmoqchisiz, mazkur taqdimotning aksariyat qismi hikoyalar – storytelling ko'rinishida bo'ladi. Bunday holda, odamlarni stock rasmlari bilan qiynashga hojat yo'q, shunchaki tegishli illyustratsiyalar va infografikalardan foydalaning.

Icons8da katta miqdordagi illyustratsiyalar to'plamini topish mumkin. Aytgancha, barcha rasmlar bepul, agar siz ularni notijorat maqsadlarida ishlatsangiz. Bundan tashqari, illyustratsiyalar fonga ega emas, bu slaydlarni yaratish jarayonini ancha osonlashtiradi.

Shuningdek, infografikalar ma'lumotni vizual va samarali taqdim etishning bugungi kunda trendga aylangan bir usulidir.

